

ԱՄՓՈՓԻՉ ՏԵՂԵԿԱՆՔ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ԺՈՂՈՎԻ ՀԻՆԳԵՐՈՐԴ ԳՈՒՄԱՐՄԱՆ ԻՆՆԵՐՈՐԴ ՆՍԱՇՐՋԱՆԻ (01.02.2016-09.06.2016) ԵՎ 2016 ԹՎԱԿԱՆԻ ՀՈՒՆԻՍԻ 13-ԻՆ ԵՎ ՀՈՒՆԻՍԻ 27-ԻՆ ԳՈՒՄԱՐՎԱԾ ԱՐՏԱՀԵՐԹ ՆՍԱՇՐՋԱՆՆԵՐԻ ԱՐԴՅՈՒՆՔՆԵՐԻ ՄԱՍԻՆ

Հայաստանի Հանրապետության Ազգային ժողովի հինգերորդ գումարման իններորդ նստաշրջանի ընթացքում գումարվել է 7 չորսօրյա և 3 արտահերթ նիստ՝ ՀՀ կառավարության նախաձեռնությամբ: Հերթական նստաշրջանի ավարտից հետո գումարվել է 2 արտահերթ նստաշրջան՝ ՀՀ կառավարության նախաձեռնությամբ:

Նստաշրջանի սկզբում հաստատված օրակարգում ընդգրկված էր 156 հարց, որից 92-ը ՀՀ կառավարության նախաձեռնություններ էին, 61-ը՝ ՀՀ ԱԺ պատգամավորների(1-ը ՀՀ Ազգային ժողովի որոշում), իսկ 3-ը պարտադիր և ըստ անհրաժեշտության քննարկվող հարցեր էին: Օրակարգի միջազգային պայմանագրերի վավերացման մասին բաժինն ընդգրկում էր 41 միջազգային համաձայնագիր:

Հետագայում նստաշրջանի օրակարգը լրացվեց ևս 54 հարցով, այդ թվում՝ 37-ը ՀՀ կառավարության նախաձեռնություն, 8-ը՝ ՀՀ ԱԺ պատգամավորական նախաձեռնություն և 9-ը՝ պարտադիր և ըստ անհրաժեշտության քննարկվող այլ հարցեր: Օրակարգը լրացվել է նաև 7 միջազգային պայմանագրով: Նստաշրջանի օրակարգի՝ կառավարության նախաձեռնությամբ լրացումների մեջ էր նաև Հայաստանի Հանրապետության Ընտրական նոր օրենսգրքի նախագիծը:

Նստաշրջանի օրակարգում ընդգրկված 258 հարցերից (ներառյալ միջազգային պայմանագրերը) 198-ը օրենքների նախագծեր կամ նախագծերի փաթեթներ էին, որոնցից գարնանային նստաշրջանի, դրա ընթացքում գումարված արտահերթ նիստերի և գարնանային նստաշրջանից հետո գումարված արտահերթ

Նստաշրջանների ընթացքում քննարկվել և ամբողջությամբ ընդունվել են 42-ը, որոնցից 38-ը՝ ՀՀ կառավարության (9-ը կառավարության որոշմամբ՝ անհետաձգելի), իսկ 4-ը՝ ՀՀ ԱԺ պատգամավորների նախաձեռնած նախագծեր էին: Միջազգային պայմանագրերից զատ քննարկվել է 9 պարտադիր և ըստ անհրաժեշտության քննարկվող հարց: Ամբողջությամբ ընդունված 42 օրենքներից կամ օրենքի նախագծերի փաթեթներից 5-ը մայր օրենքներ են, որոնք ՀՀ կառավարության նախաձեռնություններն էին: Ընդունված նախագծերից ուշագրավ էին հատկապես՝ «Պրոբացիայի մասին» Հայաստանի Հանրապետության օրենքի նախագիծը, որի կիրարկումը կամրագրի Հայաստանի Հանրապետությունում պրոբացիայի ծառայության ստեղծման և գործունեության իրավական հիմքերը, «Դեղերի մասին» Հայաստանի Հանրապետության օրենքի նախագիծը, որը թույլ կտա ապահովել դեղերի ֆիզիկական և ֆինանսական էական մատչելիություն, բնակչությանը որակյալ և արդյունավետ դեղերի մատակարարում և իհարկե Ընտրական նոր օրենսգրքի նախագիծը, որի ընդունման ժամկետները նախատեսված էին 2015 թվականի Սահմանադրական փոփոխությունների մեջ:

Նստաշրջանի ընթացքում ՀՀ ԱԺ պատգամավորների նախաձեռնությամբ ընդունվեց նաև 1 ԱԺ որոշում (Հայաստանի Հանրապետության Ազգային ժողովի հինգերորդ գումարման մշտական հանձնաժողովների թիվը, անվանումները և գործունեության ոլորտները սահմանելու մասին» Հայաստանի Հանրապետության Ազգային ժողովի 2012 թվականի մայիսի 31-ի ԱԺՈ- 004-Ա որոշման մեջ լրացում կատարելու և Մարդու իրավունքների պաշտպանի պաշտոնում ընտրելու համար Ազգային ժողովին թեկնածու առաջարկելու կարգի մասին»)՝ որի ընդունումը պայմանավորված էր 2015 թվականի սահմանադրական փոփոխություններով: ԱԺ-ն նաև քննարկեց և քվեարկությամբ մերժեց 2 օրենքի նախագծի ընդունման մասին հարցը (մեկը՝ ՀՀ կառավարության նախաձեռնություն, մյուսը՝ ՀՀ ԱԺ պատգամավորների), ինչպես նաև ԱԺ պատգամավորների նախաձեռնած 7 օրենքի նախագծի՝ ՀՀ ԱԺ նստաշրջանի օրակարգ ընդգրկելու մասին հարցը:

Նստաշրջանի ընթացքում՝

- ԱԺ-ի կողմից ընդունվեց Հայաստանի Հանրապետության Ընտրական նոր օրենսգիրքը, որը հետագայում լրամշակվեց քաղաքական ուժերի կոնսենսուսի շնորհիվ ձևավորված առաջարկությունների հիման վրա:
- ԱԺ-ի կողմից քննարկվեց և ընդունեց «Հայաստանի Հանրապետության կառավարության կառուցվածքի մասին» Հայաստանի Հանրապետության օրենքում լրացում և փոփոխություն կատարելու մասին» Հայաստանի Հանրապետության օրենքի նախագիծը :
- ԱԺ-ն 96 կողմ, 7 դեմ, (4 քվեաթերթիկ համարվել է անվավեր) ձայներով Հայաստանի Հանրապետության Մարդու Իրավունքների Պաշտպան ընտրեց Արման Թաթոյանին:
- Կենտրոնական Ընտրական Հանձնաժողովի որոշմամբ՝ համամասնական ընտրակարգով, ՀՅԴ-ի ընտրական ցուցակից ԱԺ պատգամավոր գրանցվեց Կարեն Շահմուրադյանը:
- ԱԺ-ն 88 կողմ, 15 դեմ, 14 ձեռնպահ ձայներով հաստատեց Հայաստանի Հանրապետության 2015 թվականի պետական բյուջեի կատարման տարեկան հաշվետվությունը:
- ԱԺ-ն 86 կողմ, 16 դեմ, 13 ձեռնպահ ձայներով ընդունեց «Պետական գույքի մասնավորեցման 2006-2007 թվականների ծրագրի կատարման 2014 թվականի տարեկան հաշվետվությունը հաստատելու մասին» Հայաստանի Հանրապետության օրենքի նախագիծը:
- Քննարկվեց և ընդունվեց ի գիտություն՝
 - Հեռուստատեսության և ռադիոյի ազգային հանձնաժողովի 2015 թվականի գործունեության մասին հաղորդումը:
 - Հայաստանի Հանրապետության հանրային ծառայությունները կարգավորող հանձնաժողովի 2016 թվականի գործունեության ծրագիրը:
 - Հայաստանի Հանրապետության կենտրոնական բանկի 2015 թվականի դրամավարկային քաղաքականության ծրագրի կատարման հաշվետվությունը (գնաճի հաշվետվությունը):
 - Հայաստանի Հանրապետության կենտրոնական բանկի 2016 թվականի դրամավարկային քաղաքականության ծրագիրը:
 - Հայաստանի Հանրապետության տնտեսական մրցակցության պաշտպանության պետական հանձնաժողովի 2016 թվականի տարեկան գործունեության ծրագիրը:

- Հայաստանի Հանրապետության վերահսկիչ պալատի 2015 թվականի տարեկան հաշվետվությունը:

Նստաշրջանի ընթացքում ԱԺ պատգամավորները ՀՀ կառավարությանը դիմել են 19 գրավոր, որոնցից ՀՀ ԱԺ նիստերի ընթացքում հնչել է 11-ը և 64 բանավոր հարցով: Հնչել է 141 պատգամավորական հայտարարություն, որոնցից 33-ը վերաբերում էր գործադիրի գործունեությանը:

Նստաշրջանների ընթացքում վավերացվեց 31 միջազգային պայմանագիր, այդ թվում՝ 2015 թվականի դեկտեմբերի 23-ին Մոսկվայում ստորագրված «Հայաստանի Հանրապետության և Ռուսաստանի Դաշնության միջև Հավաքական անվտանգության կովկասյան տարածաշրջանում հակաօդային պաշտպանության միավորված տարածաշրջանային համակարգ ստեղծելու մասին» համաձայնագիրը, ինչպես նաև մի շարք վարկային համաձայնագրեր միջազգային այնպիսի բանկերի հետ, ինչպիսիք են՝ Եվրոպական ներդրումային բանկը, Վերակառուցման և զարգացման եվրոպական բանկը, Վերակառուցման և զարգացման միջազգային բանկը, Եվրասիական զարգացման բանկը, Ասիական զարգացման բանկը: